

عالم حقوق

مُقَابِلَةُ قَوَانِينِ مَجْدُو عَشْرِي

مراى نشر اولتور

مؤسس وصاحبي

کرمیچہ مبعوثی : محمد عارف

مجلس مبعوثان ايله اعيان اره سنده

بر اختلاف مهم

اسبق سيسام بكي : بانقو ويطينوس

مجلس عمومينك برنجي دوره اجتماعيه سنده مجلس مبعوثان قانون اساسي بي
باشدن باشه نظر تدقيقدن كچيره رك خيلي ماده لرني تعديل ايتمش واول بابده
تنظيم ايلديكي مضبوطه بي مجلس اعيانه تبليغ وتوديع ايتش ايسه ده وقتك عدم
مساعده سته مبنی مجلس اعيان اجرا اولنان تعديلانك يالكر بر قسمنك تدقيق
وتصديقيه اكتفا ايدوب قصورينك مذاكره سني بو دفعه رسیده اجتماعيه
تعلق ايتش ایدی .

مجلس اعيانجه تصديق اولنوب مرعيت احكامي اراده پادشاهيه اقتران ايدن
يعني قانوني كسب تماميت ايليان شو قسم تعديلات مشروطيت اداره وحاكيت
مليه نقطه نظرندن اك مهم مواد اولوب بونلرك خلاصه حكمي حقوق سلطنتك
۹۳ قانون اساسيه نسبة برقات ده تقيدندن وبالعكس حقوق ملتك كركي كچي
توسيعندن عبارت اولغله بونلرايله قانون اساسيمز حر و متمدن ملترك اكايلري
كلانلرينك قوانين اساسيه سته معادل ديتنه جك بر حاله ككشد .

مجلس اعيان بو تعديلاتك مذاكره سنده مجلس مبعوثانك افكارينه مابين هيچ بر
فكر اظهار ايتيوب مواد معدله نك مستند بولنديني اساسلري همان مجلس مبعوثان
قدر القشلايه رق اتفاق ارا ايله قبول ايتش ایدی .

اشبو ايكنجي دوره اجتماعيه ده ايسه مجلس اعيان قانون اساسينك مواد
متباقيه سني تدقيقه مباشرت ايلدكده آنسرين مجلس مبعوثانك تعديلاتده كي مسلك
متخذى تعقيبندن صرف نظر ايله تعديل تكليف اولنان هر ماده نك مستند
بولنديني نظرياتك عريض وعميق تدقيقه حاكيت سلطنته حاكيت مليه دن
هانكيسنه ده از ياده تماس ايتديكني تعيين ايتدكدن وبوياكي قاعده متضاده دن هانكيسنك
ترجيحي كندی اجتهدانجه ده از ياده موافق منفعت مملكت اوله جفته قناعت كتيردكدن

صكره هر مسئله يي تحت قراره كندينه مخصوص ومستقل بر مسلك اتحاد ايشدر . اشبو مسلك متخذك تيجبسي اولوق اوزره مجلس اعيان مجلس مبعوثان لايحه سنك متباقى ماده لر ينك خيليسنى تعديل ايتديكي كي بر قسمنى ده قطعياً رد ايتمشدر . رد اولان موادك الك مهملى مجلس اعيانك صورت تشكىل حقهده كي مواد اولوب قانون اساسى احكامنجه مجلس اعيانك بالجله اعضاسى قيد حيات شرطيله طرف سلطنتدن تعيين اولنمقده اولدينى حالده مجلس مبعوثان لايحه سنده مجلس اعيان اعضاسنك انجق ثلثك طرف سلطنتدن تعيين اولنه جنى وثلاثنك انتخاب ملت ايله اراه ايديله چكى واعيان مأمورى قيد حياتله اوليوب يالكز طقوز سنه مدته دوام ايدم چكى كوسترلش يعنى قانون اساسى حاكميت نقطه نظرندن طرف سلطنته پك بيوك بر حصه چيقارمش اولدينى حالده مجلس مبعوثان طرف ملت بر اكثريت عظيمه حصولى منتج اوله جق درجده او حصه يي تقيله تشبث ايش ايسده مجلس اعيان نه اعضاسنك تعيينده انتخاب اصولى نه ده مأمورى لر ينك موقت اولمى قاعده سنى قبول ايتيوب ايكي سنى ده رد ايش وقانون اساسينك بويابده كي مامولرى عينا اقباسنه قرار ويرمش وشوقدر كه اعضانك طرف سلطنتدن تعيينى خصوصنده بر قونطورول حقى احداث و وضع ايدم رك آنى ده كندينه حصر ايشدر .

مجلس عمومى ميمزك ايكي هيتى اراسنده واقع اولان شو اختلاف؛ اختلافات عاديده دن اوليوب مشروط بر مونارشيدم يعنى بر سلطنت مشروطه ده حاكميت ملت ايله حاكميت سلطنت قاعده لر ينك مزجندن متحصل اصول مشروطيتك مملكت مزده درجه وسعت ويا محدوديتى تعيينه مدار اوله جق غايت مهم بر مسئله تشكىل ايتديكنه و ظاهرده هرايكي طرفك نقطه نظرى مؤيد اسباب ودلائل اكسيك اولمديغه نظراً مسئله نك سهولته حلى ممكن اوليوب مجلس مبعوثان ايله مجلس اعيانك بويابده كي اختلافك بر زمان دوام ايدم چكى روش خالدن حس اولنمقده در .

اساس مسئله حقهده رأى مطالعه بيان ايتك لازم كلسه اول باول سلطنت مشروطه اصولك جارى اولدينى مملكتلرده مجلس اعيانك نه صورتله تشكىل اولندينى كوزدن كچيرمك واندن اولده اعيان مجلس لر ينك فى الاصل سبب

احداثی نه اولدیغنی وشمدی وظیفه لری نه دن عبارت قالدیغنی اخطار ایتمک
ایجاب ایدم جکدر . مشروطیت کله سنه دقت ایله عطف نظر ایدیلوب لایقیله
تأمل ایدیله جک اولورسه سلطنت مطلقه ده مشروطیت بحقی بولونمیه جنی کی
جمهوریتلرده دخی بونک وجودی قابل اولمیه جنی نمایان اولور . برنجیده یالکز
سلطان ، امیر ، قرال ، ایمراطور هر کیم ایسه حاکم مطلق اولدیغنی کی ایکنجیده
دخی حاکم مطلق و مجرد ملتدر . مشروطیت انجق بونک ایکسینکده بر مملکتده
موجود اولمسنده وایکسینک دخی امور مملکتک اداره سنده حصه دار بولمسنده
اولور .

مقدملرده هر یرده کی حکومتلر مطلق و مستبد اولدقلری حالده اورویا ملتلری
علیهلرینه قیام وعصیان ایدم رک کیمی حکمدارینی طرد ایله مملکتده جمهوریت
اصولنی اعلان وتأسيس ایتدی . وکیمی دخی موقعنده ابقا ایدم رک یالکز مملکتک
صورت اداره سی حقنده بر طاقم شرطلرک وضعیله اکتفا ایلدی . مطلقیت واستبداده
قارشو وضع اولنه جق شرائطک برنجیسی ملتک اداره مملکتده حصه دار اولمی
یعنی حاکمیت مملکتده حکمدار ایله شریک بولمسی ماده سی اوله جغندن وحاکمیت
دینیلان مسئله نک ایسه ایکی طرف اراسنده کی تقسیمی متفاوت اوله بیله جکندن
اولبایدن تنظیم اولنان هر قانون اساسیده ملتک درجه حاکمیتی وامور مملکتک
اداره سنه صورت مشارکتی حقنده بر طاقم قاعده لر وضع اولنش وبو صورتله
ملته ویریلان حقوقی استعمال ایتمک ایچون بر مجلس مبعوثان احداث اولنش
اولغله برابر مجلس مذکورک وضع قوانین ماده سی ایله خصوصیات سائر حقنده
ویره جکی قرارلرده واقع اوله بیله جک تجاوزاته قارشو مقاومت ایدم رک حاکمیت
ملیه ایله حاکمیت سلطنت اراسنده کی حدود قانونیه نک خللدن وقایه سنه دقت
ایتمک وظیفه سیله مکلف اولقی اوزره مجلس مبعوثان یاننده برده مجلس اعیان
علاوه اولمشدر . واقعا اعیان مجلسلرینک وضعیت اصلیه لری اساساً بو مقصده
مستند ایدی ایسه ده بر کره انتباهه کلان وکندی مملکتلرینک زمام اداره سی
فسما کندی لالرینه الان ملتله معارف ومدنیت یولنده ترقی ایتدجه وتعیر
دیگرله کوزلری ایلدجه بو قدریله اکتفا ایتیه رک اداره مملکت خصوصنده بر
قات ده تزیید نفوذ غیرت ایتمش والیوم اوروباده سلطنت مشروطه اصولنجه

اداره اولنقمده اولان یا لجه مملکتلرده حاکمیتک قسم اعظمی ملت طرفه انتقال ایتمش و قانون اساسیلر دخی او بولده تعدیل اولنمشدر.

بو وجهله میدان سیاسیتده ملت لک مهاجراتنه مقاومت ایتمک و اول بایده واقع اوله حق تشبثات ترقیجویانه لرینه سدچکمک و وظیفه اصلیه سیله مکلف اولان مجالس اعیان مقصد حقیقی تأسیسلرینک حصولی تأمین ایدمه مدیکي فعلاً ثابت اولغله بالطبع الغاری لازم کلیور ایدی .

انجق اعیان مجلسلری ادر بو وظیفه اصلیه لرینی ایفا ایدمه مامشر ایسه اول وقت وظائف تالیه لری عد اولنان و شمعدی اهمیت عظیمه سی و ملت مملکتجه فوائد عیدمه سی عموماً آکلاشلمش اولان پک چوق خصوصاً تده خدمات حسنه ده بولنه بیله جک لری آکلاشلمشدر . بناء علیه صورت تشکیللرنده بعض تعدیلات اجرا سیله ایفا اولنمشدر . حتی جمهوریت اصولی اوزره اداره اولنقمده اولان مملکتلرده بیله آلآن مجلس مبعوثان یاننده برده مجلس اعیان موجوددر . مجالس اعیانک نه کبی شیردن عبارت اولدیغنی بوندن اول (شورای امت) ایله نشر اولنان بر مقاله ده ایضاح ایلدیکمز جهتله بوراده تکرارندن صرف نظر اولنور .

صورت تشکیللرنده اجرا اولنان تعدیلاته کنجه ابتدالرده سلطنت مشروطه اصولنده بولنان اوروپا دولتلرینک مجالس اعیانی اعضاسنک جمله سی طرف سلطنتدن تعیین اولندقلری و حتی اعضاسنک قسم مهمی اعضالق حقنه توارت طریقله و بر قسمی دخی برحق قانونی قوتیه مالک بولندقلری حالده آلآن دولتلرک اکثرنده اعیان هیئتلری بر قسمی نصبی و قسم دیگر ی انتخابی اولق اوزره مختلط اولوب حتی بلجیقا و فلمنک و نوروجیا و رومانیا ده اعضا لصر صرف انتخاب ایله ویا لکز ایستایاده مجلس اعیان اعضاسنک مجموعی قرال طرفندن نصب اولنقمده بولنمشدر . [۱]

ایستایاده نصبی اولمی اصولنک الان دوام ایتمسنک سبب و حکمتی ایستایا قانون اساسیسنک مجالس اعیان فصلنه بر کره کوز کردیرلمکله آکلاشلور . فصل مذکور احکامنجه اعیانک عددی غیر محدود (الیوم عددی اوچ یوز الی

[۱] واقعا پورتکیزده دخی بوکون مجلس اعیان اعضاسنک جمله سی نصبی ایسه ده بوندن اون ایکی سنه ازل مختلط ایدی . بو قانون بزه تعلقی و لیان اسباب خصوصیه ده مستنددر .

قدردر (و مأموریتاری فخری وغیر موظفدر . قرال مجلس اعیان اعضاالغنه تعیین ایدم چکی ذواتی یکرمی بر صنف معین ایچندن انتخابه مجبوردر . ظن ایدم که مجلس اعیانمزدده بویولده نصبی اولسی تکلیف اولسه مجلس مبعوثان قبول ایتمز .

بالاده دخی بیان اولدینی اوزره مجالس اعیانک صورت تشکیللرنجه وقوع بولان تحولات حاکمیت ملیه ایله حاکمیت سلطنت ارسندم کی نسبتک بالآخره اوغرادینی تعدیلاتک نتیجه‌سیدر . وکلای ملتک تمشیت امور مملکتده کی نفوذی پارلامنتاریزم دنیلان درجه‌یه ایصال اولندقدن صکره اراتق هیئت اعیانک جملة طرف سلطنتدن تعیین قاعده‌سنگ بلا تعدیلات دوام مرعیتی قانون اساسیمزه کچن سنه ادخال ایتدی کمز قواعد واسعه مشروطیته قارشو بر تضاد و (عادی بر تعیری قولانلق اوزره) مملکتک اداره ماکنه‌سندم برانکل تشکیل ایدیور . ذاتاده مجلس اعیانک لایتغیر خالده قالمسی چون واقع اوله حق جهد وغیرتک ثمره بخش اوله بیلسی زمانی کچمشدر ظن ایدم .

مطالعات مسروده مجلس اعیانده قانون اساسی تعدیلاتی مذاکره اولندینی صیرمه افکار محافظه کارانه‌سی ایراد ایتدکری نطقلر ایله اثبات ایدن براعضایه عکسی فکرده بولنان دیگر بر اعضانک ویردیکی جوابی خاطر مه کتیر یور و اووقت مذاکره اولنان مسئله‌نک شمعی بحث اولنان مسئله‌یه مشابهتی جهتیله بورایه نقلی مناسب کور یورم .

محافظه کار ؛ قانون اساسینک بالجمله موادینی نظر تدقیقندن کچر مه و تعدیل ایلمک مجلس اعیانک صلاحیتی اولمدیغنی بیان ایله شو مطالعه‌سنگ اصابتی اثباته مصرانه چالیشدیفته قارشو دیگر اعضا کندوسنه خطاباً « افندی بو سوزلری کچن سنه سویله لیدیگز » دیو جواب مسکت ویرمشدر .

مجلس مبعوثانکده کله جک اجتماعده اعضاسنگ صورت تعیینی حقنده کی موادک عیناً ابقاسی حقنده مجلس اعیانک ویردیکی قراری او قودقده « افندیلر بو قرار کری کچن سنه وکلای دولت فصلی تعدیلاتی تصدیق ایتمزدن اول ویرمیلیدیگز . » دیمکه حق اولور .

خاتمه

مقدمات و محاکمات مسروودنك زبده‌سی شودر كه قوه تشریعیه مزك متشكل بولندینی ایکی هیئت وظیفه‌لرینه مشترك بر نقطه نظر دن باقی‌بیله‌جك بر حاله كتوریله‌رك شكل واساس اداره مملكت تشعی طیبی بولنان بونجه مسائل فرعیه تشریعیه حقنده واقع اوله‌جق مذاکره‌لرنده ارالرنده فائده‌سز و بلكه‌ده مضر بر طاقم منازعات و مناقشات شدید صورتنه میدان بر اقلعاملیدر. بناء علیه یا مجلس اعیان براز ایلرویه طوغری یورویوب مجلس مبعوثانك شمعیکی حذاسنه کلی ویاخود — ممکن وجائز و ضرر سز عد اولنه‌یلور ایسه — مجلس مبعوثان خلیله‌جه کیرویه طوغری چکیلوب مجلس اعیانك قالدینی حذابه عودت ایتملی والا..... فلا !

